



Fylkesmannen i Hordaland

Sakshandsamar, telefon
Øistein Aasland, 5557 2322

Vår dato
21.04.2017
Dykkar dato

Vår referanse
2016/16209 432.3
Dykkar referanse

Kjetil K. Nedrevåg

5781 LOFTHUS

Løyve til å legge ut ny bru over Budalsbekken i Gravdal stølssameige – Ullensvang herad - Hardangervidda nasjonalpark.

Fylkesmannen gjev Gravdal stølssameige v/ Kjetil K. Nedrevåg løyve til å legge ut ei bru over Budalsbekken etter verneforskrifta for Hardangervidda nasjonalpark.

Det er sett vilkår til løyve.

Vi viser til søknaden, datert den 8. juli 2015 og til oversendingsbrev frå Ullensvang herad - datert den 11. nov. 2016. Vi seier oss lei for at saka har tatt lang tid.

Bakgrunn for søknaden

Kjetil K. Nedrevåg i Gravdal stølssameige ynskjer å legge ut eit bruelement over Budalsbekken for å lette driftsvegen til å frå sumarbeita for sau i området. Bruelementet som er tenkt nytta er ei stålplate på 5 x 1,25 meter, som skal leggjast over bekken. Brua skal vera utan rekkverk, og kan leggjast rett på bakken på kvar side av elva utan å byggje fundament.

Brua over Budalsbekken vil gjere driftevegen enklare og sikrare for både sau og folk. Det har hendt at lam har drukna i forsøk på å fylgje dei vaksne sauene over bekken i stor vassføring.

Søkjjar er beitebrukar med sau, saman med fleire andre i dette området. Dei driv sauene til beiteområdet i slutten av juni og sankar i byrjinga av september.

Vår vurdering

Fylkesmannen viser til verneforskrifta og til Forvaltningsplanen for Hardangervidda nasjonalpark (godkjent i 2011), Det er pkt. 4.1.3h. i verneforskrifta; "Bygging av bruer og klopper" som må nyttast som heimelsgrunnlag for denne søknaden

Saka har vært på høyring hos Tilsynsutvalet i Hordaland, Hordaland fylkeskommune og Villreinnemnda for Hardangerviddaområdet.

Tilsynsutvalet i Hordaland fatta følgjande samrøystes vedtak i sak 44/2016 frå møte den 8. des. 2016: «*Tilsynsutvalet i Hordaland er positive til at Gravdal stølssameige v/ Kjetil Kinsarvik Nedrevåg får løyve til å leggja ut ei ny bru over Budalsbekken som omsøkt.*»

Vi har ikkje mottatt uttalar frå Hordaland fylkeskommune eller Villreinnemnda for Hardangerviddaområdet.

Fylkesmannen har vurdert saken etter naturmangfaldlova §§ 8-12.

§ 8 kunnskapsgrunnlag: Fylkesmannen meiner vi har eit godt kunnskapsgrunnlag i denne søknaden ut frå det som kjem fram i søknaden. Søkjar har god kjennskap til kor det er best å plassere brua utifrå lang tids bruk av område som beite for sine sauer. Det skal ingen andre terrenginngrep enn å legge ut bruelementet over elva. Det skal ikkje lagast til rekkverk på brua, så dei landskapsmessige verknadane vert minimale.

§ 9 føre-var-prinsippet: Vi kan ikkje sjå at det vil være fare for at utlegging av eit bru over Budalsbekken vil ha ukjende, store negative konsekvensar for verneverdiane.

§ 10 økosystemtilnærming og samla belastning: Vi kan ikkje sjå at den omsøkte brua vil auke eller endre den samla belastninga for området i nokon grad.

§ 11 kostnadene ved miljøforringing skal berast av tiltakshavar: Vi ser ikkje at det er relevant å vurdere dette, då det ikkje er stor fare for miljøforringing ved gjennomføring av tiltaket.

§ 12 miljøforsvarlege teknikkar og driftsmetode: Vi kan heller ikkje sjå at dette er relevant å vurdere, då det berre er snakk om å leggje ut ei stålplate over bekken. Og at dette er eit reversibelt tiltak, som kan takast vekk.

Motorferdsle i samband med transport av byggemateriale og i samband med riving av hytta og uthuset må avklarast med Tilsynsutvalet i Hordaland.

Konklusjon

Fylkesmannen meiner det er viktig å leggje til rette for ein sikker og effektiv beitebruk av desse områda. Ei slik bru over Budalsbekken som her vert søkt om å få legge ut vil betre tilhøva og tryggleiken for brukarane (både sau og folk). Det er dessutan eit reversibelt tiltak som kan takast vekk og transporterast ut av nasjonalparken, dersom det skulle vise seg å ha negative verknader på verneverdiane.

Vedtak

Fylkesmannen gjev Gravdal stølssameige v/ Kjetil K. Nedrevåg løyve til å legge ut ei bru over Budalsbekken etter verneforskrifta for Hardangervidda nasjonalpark.

Løyvet er gjeve med heimel i verneforskrifta for Hardangervidda nasjonalpark pkt. 4.1.3h. i verneforskrifta; *"Bygging av bruer og klopper"*.

Det vert sett følgjande vilkår til løyvet:

- Brua skal leggjast over Budalsbekken på den staden som går fram av søknaden, datert 8. juli 2015.
- Det skal ikkje lagast til fundament for å leggje brua på.
- Det skal ikkje lagast til rekkverk på brua.
- Dersom sauehaldet i området opphøyrer, kan forvaltningsstyremakta pålegge søkar å fjerne brua og frakte den ut av nasjonalparken.

Vedtaket kan påklagast til Miljødirektoratet av part i saka eller andre med rettsleg klageinteresse, jf. forvaltningslova § 28. Klagefrist er 3 veker etter at ein er kjent med vedtaket. Klage skal stilast til Miljødirektoratet, men skal sendast til Fylkesmannen i Hordaland.

Med helsing

Magnus Johan Steinsvåg
seniorrådgjevar

Øistein Aasland
seniorrådgjevar

Brevet er godkjent elektronisk og har derfor inga underskrift.

Kopi sendt med e-post til:
Ullensvang herad
Tilsynsutvalet i Hordaland
Villreinnemnda for Hardangerviddaområdet
Hordaland fylkeskommune
SNO-Rødberg
SNO-Rosendal
Miljødirektoratet